

ՅԱԻԵԼՈՒԱԾ Ժ

ԿՈՆԴԱԿՔ ԵՒ ԹՈՒՂԹՔ



Գ.¹

ԿՈՍՏԱՆԴՒՆ Գ ԿԱԹՈՂԻԿՈՍ. — ՊԻԳ = 1375. ՅԱՆՈՒԱՐ 15.

(Հաստատե զՏէր Գրիգոր յարքեպիսկոպոստրեան Լեհահայոց):

✠ Այս մեր գիր հոգևորական հրամանի աւրհնութիւն է և կրկին հաստատութիւն. ԿՈՍՏԱՆԴՆԱՅ շնորհաւքն Քրիստոսի՝ կաթողիկոսի ընթհանուր ամենայն Հայաստանեայց.

Գիտութիւն լիցի ձեզ ամենեցուն, Մեր ի Քրիստոս Աստուած Հաւատարիմ ըստ հոգոյ որդիք՝ բնակիչք աստուածապահ մայրաքաղաքիդ Լաւին՝ և ամենայն սահմանեալ վիճակին իւրոյ. քահանայք և աստուածասէր ժողովուրդք մեծ և փոքր, այր և կին. Ձոր երեկ առ մեզ՝ պատուելի արքեպիսկոպոս ձեր՝ և մեր ըստ հոգոյ պարծանաց որդիս՝ Տէր Գրիգորս՝ ի հնազանդութիւն մերոյ սուրբ աթոռոյս. գոր և մեք յոյժ սիրով և մեծաւ պատուով ընկալաք զինք՝ որպէս զմեր քաջ սիրեցեալ որդի. Այլ և ունէր ընդ իւր՝ զմեր նախնոյն տված շուրջըրեականն, որ և զփառաւոր մայրաքաղաքդ՝ ըզԼօվդ՝ և զԱւլաանմիրտ՝ և զԼուցկայդ՝ մեր որդւոյդ Տէր Գրիգորիդ էր պարգեւել. Մեք մեծաւ պատով ընդունեցաք զմեր նախնոյն հաստատած շուրջըրեականն, և վասն մեր սիրեցեալ պարծանաց որդւոյդ Տէր Գրիգորիդ արժանաւորութեանն՝ հաւանեցաք ի յինք. Եւ մերոյ հոգևորական, առաքելական և հայրապետական բարձր հրամանաւ՝ կարողութեամբն Աստուծոյ և աղաւթիւք Սրբոյն Գրիգորի Լուսաւորչին, վերստին հաստատեցաք զարագան արհիպիսկոպոսդ զՏէր Գրիգորդ ձեզ եպիսկոպոս. և պարգևեցաք զարձեալ իր՝ Տէր Գրիգորիդ՝ զամէնաւրհնեալ ականաւոր քաղաքդ՝ զԼօվս՝ զԼուցկայն

1. Ա և Բ թիւ համարուին Կոնդակքն Մերովպայ և Թէոգորոսի կաթողիկոսաց. տես ի սկիզբն գրոցս, երես 5 և 9: